



Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1720

Quæst. 68. An laborans impedimento seu vitio occulto, quod, si cognosceretur, comparatem averteret à sponsalibus contrahendis, possit eo tacito seu occultato contrahere sponsalia.

[urn:nbn:de:hbz:466:1-73973](#)

scientia, ignorantia, intentio &c. standum est
cujusque juramento, si alio modo probari
nequeunt. Covar. l. 2. resolut. c. 10. n. 1.

Quæst. 67. An igitur tales causa, si
præcesserint Sponsalia, & igno-
rante tunc fuerint, postmodum
post ea contrata cognitæ, pari
modo dissolvant Sponsalia, ac si tunc
prius cognitæ.

1. **R** Esp. affirmativè Sanch. l. 1. d. 63. num. 2.
Gutt. c. 34. num. 2. Laym. l. c. Ca-
strop. l. c. num. 1. Pont. l. 12. de Sponsal. c. 18.
à num. 1. cum communī contra Palud. & Gabriel,
siquidem respectu talis ignorantis tempore contra-
ctus Sponsalium talem causam res notabiliter
mutentur seu mutari censetur, apparet post-
modum de novo vitio, censeturque illud tunc
apponi, quando ei manifestatur; cum res tunc
censeatur fieri, quando innotescit. Arg. c. pa-
storalis, de exceptione. sicut è contra censetur non esse,
quando non appareat. l. in lege. ff. de contrah.
empt. adde, quod in generali simpliciter obli-
gatione non censetur, quæ cognita ab obligati-
one prudenter averterent. l. obligat. general. ff. de
pignor. c. veniens. de jurejur. Contrahendum ta-
men dicendum, dum talis ignorantia causa non
dedit causam contrahendi, ut dum ita quis affec-
tus fuisset, ut si causam vel vitium illud cognos-
isset, tamen adhuc contraactus fuisset (quod
tamen nunquam præsumendum esse ait Castrop.
c. p. 29. n. 2. nisi id ipsum quis expresserit) quia
eam respectu talis prius ignorantis & postmodum
scientis, nulla censetur facta in re mutatio; ita
Castrop. l. c. Pont. cit. c. 18. num. 4. Sanch.
d. 63. num. 2. &c. Arque ex his iam sequitur,
posse aliquem resilire à Sponsalibus, etiam juratis
ob fornicationem Sponsæ, ante Sponsalia commis-
sionem, quam putabat virginem, Sanch. l. 1. d. 64.
num. 3. Castrop. n. 4. Pont. n. 2. Idem secundum
hos AA. fieri posse ob fornicationem viduæ;
cum quoque probrosum sit ducere viduam inho-
nestam, adeoque id cognitum ab initio retraxisset
à contrahendis Sponsalibus, quin etiam idem pro-
cedere, dum quis contraxit Sponsalia cum vidua,
quam putabat virginem, censet. Sanch. l. 1. e. Gutt.
c. 34. n. 4. Pont. cit. n. 2. contra Coeninck. d. 23.
du. 7. num. 38. è quod in communī estimatione
vidua censetur inferioris conditionis quam virgo
in ordine ad contrahendum matrimonium. E con-
tra ob ignoratam præcedentem fornicationem
Sponsi non posse resilire Sponsam, tenent Pont.
l. c. Cœn. n. 62. Sanch. d. 63. n. 9. Castrop. n. 9.
contra Nav. c. 22. n. 27. è quod vir per fornicationem
illam non ita si redditus vilius in estimatione
prudentum, nec Sponsa ullam incurrat no-
tam, quod tali nupserit. Secus tamen censem
idem AA. si vir cum pluribus fornicatus fuisset,
ut censeretur maximè huic virio deditus, quod
ante ignorabat Sponsa; ed quod Sponsæ probro-
sum sit ducere talem, & meritò timendum, ne
contracto matrimonio similia patret, secundum
dicta supra, vel etiam si vir haberet prolem ex pri-
ore fornicatione; cum id redderet matrimonium
difficilius; tum ob alendam prolem; tum
quia id solet esse causa dissidiorum. Castrop. n. 9.
quod etiam extendit Coeninck. cit. du. 7. concl.
§. num. 62. etiamsi proles esset legitima. Porro
conscius causa sibi sufficientis ad solvenda Spon-

salia, censetur juri suo resiliendi renunciare per
hoc, quod post cognitum vitium cognoscet
alteram partem; si enim ob talē copulam cen-
setur matrimonio contracto jus divotii remit-
tere, à fortiore per illam censetur remittere
jus ad dissolvendum Sponsalia, & hæc in utro-
que foro, externo nimurum & conscientia. Laym.
l. c. num. 20. Castrop. num. 11. Sanch. d. 66.
num. 2. Pont. l. c. num. 4.

2. De certero contractum Sponsalium ob ta-
lem ignorantiam causa sufficientis ad eorum dis-
solutionem, non reddi irritum, sed irritandum
(intellige, ab ignorantia seu decepto, si velit)
tenent Castrop. num. 10. citatis Lessi. l. 2. c. 17.
du. 5. num. 31. Coeninck d. 23. du. 9. à num.
72. è quod ignorantia hæc seu error versetur
solum circa qualitatem, & non circa substan-
tiam contractus, utpote quæ personam respicit
absolutè & in eam contentis absque eo, quod
consensus hic feratur in qualitates, qua perlo-
nans afficer posunt, & ei evenire, licet co-
pacto & modo fiat contractus, ut si postea eve-
niat vel appareat aliud, quod contractum
notabiliter difficultiore reddat, jus sit comparti
resiliendi.

Quæst. 68. An laborans impedimento
seu vitio occulto, quod si cognosce-
retur, comparatem averteret a Spon-
salibus contrahendis, possit eo tacito
seu occultato contrahere Sponsalia.

1. **R** Esp. primò affirmativè, dum impedimen-
tum tale est, ut reddat nuptias minus
commodas, non tamen omnino incommodas
(qualia incommoda sunt V. G. si mulier cor-
rupta, notabiliter deformis, pauper, ignobilis,
etsi putetur nobilis dives; item si sit fama non
bona, improbis moribus, feroris ingenii, à
quibus statuit se corriger, hæc in matrimonio
non officiunt, etsi minus commodum reddant;
cum per hoc, quod sœmina sit corrupta, pauper,
perditis moribus, corrèndis tamen, non impe-
ditur socialis vita, generatio, honesta prolis
educatio) siquidem usu & consuetudine satis
comperium est, neminem teneri tale impedimen-
tum suum manifestare; quin &c. ut Castrop. p. 30.
num. 2. si impedimentum tuum cedat in diminu-
tionem status honesti & famæ tuæ, licere non
tantum illud tegere, sed & desuper interrogato
dissimulare æquivocè respondendo; adeoque
pars sibi imputare debet, quod non melius in-
quirendo in talia decepta fuerit, quodque prout
debuit, exploratum non habuerit alterum, non
esse obligatum prodere talia sua impedimenta.
Ita docent præter Castrop. Sanch. de marriag.
l. 6. d. 27. num. 8. Pont. l. c. d. 18. num. 6.
Coen. d. 23. du. 12. concl. i. & 2. qui tamen
etiam advertunt, quandoque per accidens non li-
cere contrahere Sponsalia, multoque minus ma-
trimoniu mali impedimento non manifestato,
dam nimurum prudenter timerut, matrimonio
contracto defectum manifestandum, & compar-
tem ægerrimè lataram, adeoque inde graves dis-
cordias oritur; è quod caritas, exigat, ne quis
commodum suum procurat cum tam gravi damno
proximi. Illud quoque certum putat Castrop. n. 3.
cum Coen. l. c. n. 93. non licere fingere se esse
nobilem, divitem, bonæ famæ &c. ut alium indu-
cat ad contrahendum; quia esset dotata & frau-
dulenta inducito.

R. P. Lœv. Jur. Can. Tomus IV.

F 2

2. Resp.

2. Resp. secundò: Quamvis idem censeant ex eadem ratione Galp. Hurtad. l. 2. de matrim. difficult. 17. n. 62. & alii quidam, quibus faveat Sanch. l. 1. d. 68. n. 7. pro exemplo adducens morbum Gallicum, & l. 6. d. 27. q. 2. loquens generaliter de impedimentis omnibus, dum impedimentum est tale, quod non tantum reddat nuptias minus commendas, sed positivè incommodas & damnosas; quia V. G. sunt paralyticus, lepra, morbus gallicus, aliquisque contagiosus, mores perditus absque animo corrugandi, infamia ex genere vel delicto, qua honestam familiam deturpare possit; cum hæc vel generationem impediunt, vel à sociali vita avertant & honestæ prolis educationi officiant. Rectius tamen id ipsum (nisi forte pars altera eodem defectu laboraret) negat Castrop. l. c. n. 5. & quos citat Turrian. 2. 2. d. 78. du. 2. Pont. cit. c. 18. num. 6. Côn. &c. è quòd tali defectu laborans non sit aptus usui matrimonii, ad quem expetitur, adeoque peccet contra iustitiam, non fecus ac vendens ligna putrida putant esse sana. Unde jam à fortiori sequitur, laborantem tali defectu non posse alteram partem illius incircum compellere ad contrahendum secum matrimonium. Idemque esse in casibus, in quibus tacito impedimento adhuc potest contrahere Sponsalia, eaque perficere, docet Pont. n. 7. censentque probabile Côn. & Sanch. LL. cit. è quòd revera à parte rei, etiam dum ei cognitus non est defectus, jus habeat damnum proprium evitandi & resiliendi, & si id faciat, non committat iustitiam, saltem materialem (etsi putet se eam committere, dum incognito sibi tali defectu, adeoque ex nulla causa rationali resilit, &) consequenter compelli nequeat ad matrimonium contrahendum. Contrarium tamen tenent, sive posse in his easibus compelli alteram partem, Castrop. n. 8. Sanch. l. 1. de Sponsal. d. 68. num. 8. Côninck cit. du. 12. concl. 4. & 5. è quòd defectus talis, sive antecedens, sive subsequens Sponsalia, eorum valorem non impedit, quo valore stante jus habet compellendi comparatem ad standum promissi, & ea, ne jus hoc sit inutile, tenetur obediens; & compars, posito illo defectu, jus non habeat virandi damnum & resiliendi, nisi media exceptione & defectus illius objectione; jam verò objicere illum, & propterea exigere nequit, quia cum ignorat, & pari modo Sponsalia contracta sub ea conditione: nisi quid eveniat, quod contractum hunc reddat difficulterem: non possint solvi quomodounque, sed solum per illius evenientis exceptionem & objectionem. Illud verò, quod in contrarium objicitur ex sententia probabili, occulte adulterum, adeoque etiam non objecto sibi adulterio, non posse à parte innocentia exigere debitum, negant à quæ probabilitate, & forte probabilitate. Castrop. num. 9. Sanch. cit. d. 68. num. 4. è quòd hæc pœna non petendit debitum non incurrat ante condemnationem Judicis, & antequam à compare clarè & ex indiciis non levibus objiciatur.

Quæst. 69. Qualiter in specie dissolvantur Sponsalia ob supervenientem defectum corporis.

1. R Esp. primò: Dissolvuntur etiam jurata ex parte illæsi ob supervenientem notabilem fæditatem, c. quemadmodum, de jurejur. ubi exprimitur, qualis deformitas sufficiat, nempe si unus ex Sponsis oculos, naris, aures auittat, vel aliud his turpius ei obveniat, &

liedt is textus videatur exigere utriusque oculi amissionem, utpote loquens in numero plurali, sufficere tamen amissionem unius oculi; cum hæc censeatur sufficiens & deformitas satis gravis mutatio rerum, affirmant Castrop. pag. 27. num. 1. Sanch. d. 27. num. 3. Pont. l. c. c. 17. num. 4. Côninck. d. 23. du. 8. n. 66. Ec. Quin etiam dum citra amissionem dictorum membrorum Sponsa tempore Sponsalia pulchritudine postmodum fieret notabiliter deformis, adhuc Sponsum posse resilire, censent Sanch. num. 4. Castrop. num. 5. Pont. num. 5. Côn. cit. num. 66. contra Covar. in 4. decret. p. 1. c. 5. num. 6. Gutt. de mat. c. 32. n. ult. cō quod cum res per hoc adhuc sint notabiliter mutatae, præsumi nequeat, priorem intentionem ad hunc casum extensem fuisse; quodque, dum Sponsa (idem est de Sponso, ut expressè Castrop. quamvis, ut Idem major hujus debet esse deformis, ut det sufficientem cauam resiliri, nempe quæ horrorem causet) post Sponsalia effecta notabiliter deformior, non possit amplius placere, aut etiam notabiliter displiceat, apta non sit tollere à Sponso occasionem forniciandi, alioque infelices eventus ex tali matrimonio timeri possint prudenter; adeoque jam etiam ratio sic decidendi in cit. texu c. quemadmodum; hanc deformitatem comprehendat, et si aliam non exprimat, quæ oritur ex defectu membrorum; aut quæ illa major est. Porro quænam sit notabilis deformitas sufficiens ad solvendum Sponsalia, decidendum est Judicis arbitrio; neque enim quilibet defectus pulchritudinis contendens est talis, sed ille tantum, qui quilibet hominem prudentem ejus generis & conditionis à matrimonio absterret. Castrop. num. 5.

2. Resp. secundò: Pari modo solvantur Sponsalia per supervenientem morbum incurabilem aut contagiosum, V. G. paralyticus, epilepsiam, lepram; qui morbi, cum reddant matrimonium difficulterem, nemo præsumi potest contrahendo Sponsalia, intendit contrahere cum tali matrimonium, Sanch. d. 57. num. 2. Gutt. c. 32. num. 3. Côninck. cit. du. 8. num. 67. & in specie morbum Gallicum, utpote contagiosum magnum causantem horrorem esse causam sufficientem resiliri, tradit cum Sanch. l. 1. d. 17. num. 2. Gutt. cit. num. 23. n. 3. Nav. c. 22. num. 27. Castrop. cit. p. 27. num. 3. quin & violentam hujus morbi suspicionem, etsi non plenè probetur esse ad hoc cauam sufficientem, tradunt Seraph. decis. 1113. num. 8. & 9. Riccius decis. 232. num. 4. Pont. l. c. apud Castrop. cit. num. 3. Item adhuc sufficit oris graveolentia, dum arte medici curari nequit: quia pro mutua cohabitatione vix sustineri potest, estque indicium cujusdam habituialis morbi interni molestissimi, juxta l. qui clarum §. fin. ff. de adilitio edit. ita Sanch. Pont. Gutt. Ponc. LL. cit. cum Castrop. cit. n. 3.

Quæst. 70. Per quos defectus tenentes se potius ex parte animæ supervenientes solvantur Sponsalia.

R Esp. per sequentes: primò, dum quis Sponsorum ratione aliquis gravis delicti infamatur, Castrop. num. 7. Sanch. d. 57. n. 2. secundò, dum Sponsus deprehenditur deditus scortationibus, ebrietati